

MEMORIA ECONÓMICA PARA A CONSTITUCIÓN DUNHA UNIDADE TEMPORAL DE PERSOAL PARA A COLABORACIÓN NA EXECUCIÓN DO PLAN DE MELLORA DAS INFRAESTRUTURAS DA CONSELLERÍA DO MEDIO RURAL

A Consellería do Medio Rural está a desenvolver un Plan de mellora das súas infraestruturas, co fin de adecuar o estado dos edificios mediante os que presta o servizo público á poboación ás necesidades actuais.

Os orzamentos previstos para o Plan que engloba as actuacións indicadas son os seguintes:

PLANIFICACIÓN OBRAS OFICINAS RURAIS (ANTIGAS OFICINAS COMARCAIS)

ANOS	2021	2022	2023	2024	2025	2026	TOTAL 2021-2026	MODALIDADE PREVISTA DE FONDOS
Reforzo Oficinas Rurais principais (principais oficinas a nivel provincial) ata un total de 8 edificacións	0	1	1,55	3,7	4	2,2	12,45	FP
Acondicionamento e modernización edificios existentes en oficinas de menor tamaño, ata un total de 59	1,9	0,35	0,35	0,5	0,5	2	5,6	FP
Mantemento de edificios e obras urxentes	0,15	0,15	0,15	0,15	0,15	0,15	0,9	FP
Mobiliario, dotación tecnolóxica e outros medios	0,2	0,25	0,25	0,25	0,25	0,25	1,45	FP
TOTAL 2021-2026	2,25	1,75	2,3	4,6	4,9	4,6	20,4	

Cómpre salientar que a día de hoxe, destes 20,4 M€, no ano 2021 executouse un investimento de 1,9 millóns de euros que permitiron o acondicionamento e modernización de 28 oficinas agrarias comarcais co seu correspondente mobiliario e dotación tecnolóxica por outros 0,2 millóns de euros.

PLANIFICACIÓN OBRAS INSTALACIÓNS DEFENSA DO MONTE

ANOS	2022	2023	2024	2025	2026	TOTAL 2022-2026	MODALIDADE PREVISTA DE FONDOS
Plan Bases Búo: edificacións modulares de nova construción e rehabilitacións integrais de edificacións senlleiras (15 actuacións)	0,1	2	1,5	1,4	1,4	6,4	2022/2023: REACT-UE 2024 e ss: FP
Plan Bases Búo: rehabilitación de 54 edificacións	0,2	1,7	1	1	1	4,9	2022/2023: REACT-UE 2024 e ss: FP
Bases aéreas: construción dunha nova base aérea en Verín e adecuación doutras 14 bases existentes	0,3	3,2	1	1	1	6,5	2022/2023: INTERREG (Base Verín) 2024 e ss: FP
Unidade loxística central (Lalín)	1,3	0	0	0	0	1,3	FP
TOTAL 2022-2026	1,9	6,9	3,5	3,4	3,4	19,1	





Ademais destas obras, dentro desta mesma Consellería, existe un importante volume de actuacións de reforma e melloras edificatorias nos centros de formación e experimentación agraria adscritos á Axencia Galega da Calidade Alimentaria. Cómpre destacar, neste ámbito, a execución de proxectos asociados aos fondos REACT-UE desta Axencia, cunha dotación de 2 M€ para o Centro de Investigacións Agrarias de Mabegondo e 4 M€ para o Centro de Formación e Experimentación Agraria de Sergude (Boqueixón), aos que se debe engadir unha contía estimada de 300.000 euros anuais noutros investimentos en obras de menor envergadura naqueles centros.

En consecuencia, nos vindeiros 4 anos, ata o ano 2026, prevese unha importante execución de obras de mellora das infraestruturas da Consellería do Medio Rural, que se pode considerar extraordinaria, e que vai permitir levar a cabo a súa necesaria actualización, tanto desde un punto de vista arquitectónico como de dotación de medios.

A Consellería do Medio Rural non conta con persoal técnico para realizar a preparación, seguimento e control das obras, xa que non dispón na súa Relación de Postos de Trballo de perfís de persoas arquitectas ou arquitectas técnicas, o que limita o desenvolvemento destas actuacións ou condiciona a súa idónea execución, ao non ser posible o seu control de forma directa con persoal da propia Consellería.

Polo exposto, requírese a constitución dunha unidade temporal de persoal, formada polas seguintes persoas:

- unha persoa arquitecta (corpos especiais, subgrupo A1, nivel 26)
- unha persoa arquitecta técnica (corpos especiais, subgrupo A2, nivel 22)

A incorporación destes efectivos producirase mediante súa publicación en comisión de servizo, no caso de non cubrirse, procederase ao chamamento de persoal funcionario interino procedente das listas de contratación temporal da Xunta de Galicia, reguladas polo Decreto 37/2006. O centro de traballo deste persoal serían as dependencias da Consellería do Medio Rural en Santiago de Compostela.

No seguinte cadro recóllese o custo total desta proposta, tendo en conta as táboas actualizadas de retribucións do persoal funcionario:

Denominación	Subgrupo	Nivel	Retribución bruta anual	Efectivos	Retribución bruta anual total
Arquitecto/a superior	A1	26	42.187,05	1	42.187,05
Arquitecto/a técnico/a	A2	22	32.215,10	1	32.215,10
Total retribucións brutas anuais					74.402,15
Custo Seguridade Social					22.320,65
Total custo anual					96.722,80

Proponse que esta unidade temporal estea operativa por un período de 3 anos, o que requiriría o seguinte financiamento:





Anualidade	Retribucións	Seguridade Social	Total
2022 (1/10 a 31/12)	18.600,54	5.580,16	24.180,70
2023	74.402,15	22.320,65	96.722,80
2024	74.402,15	22.320,65	96.722,80
2025 (1/01 a 30/09)	55.801,61	16.740,49	72.542,10
Total retribucións 2022-2025 (36 meses)			290.168,40

Para facer fronte aos custos adicionais de persoal para a execución do Plan de mellora das infraestruturas da Consellería do Medio Rural, propónse que se leve a cabo con cargo ás seguintes partidas:

Anualidade	Capítulo/Aplicación	Código de proxecto
2022 (1/10 a 31/12)	Capítulo II	(baixa do crédito previsto nos Orzamentos 2022)
2023	Capítulo VII	Minoración equivalente no proxecto de orzamentos correspondente
2024	Capítulo VII	
2025 (1/01 a 30/09)	Capítulo VII	

Santiago de Compostela, na data da sinatura electrónica

O secretario xeral técnico

Nicolás Vázquez Iglesias

